



АС САЛАМ

БИСМИЛЛАҒЫ ПРАХИМАНИ ПРАХИМ

www.assalam.ru

№ 01 (97)

январь 2010 шин
сафар 1431 шин
Бағыа 17 кь.

assamlak@mail.ru

3

Нитти-буттал
рязашиву –
Аллағнал
рязашиву



5

Хажлиясса
хаварду



7

Имам
Аш-Шафиъ



НА ЛАКСКОМ ЯЗЫКЕ

БУСУРМАННАЛ РУВХАНИЙССА ККАЗИТ

Альимтурал мажлис

Январь зурул 2-нний Буйнакский хьунни Дагъусттаннал альимтурал ярглийсса мажлис. Ва барачатсса мажлисраву гьуртту хьунни чъявусса машгурсса Дагъусттаннал альимтал. Мажлис чанна лахъан бувунни Накъшубанди ва Щазали тларикьатрал шайх **Абдулжалил-афанди** (кь.с.) шиккун учлаврол. Мажлис бачин бувну ия Дагъусттаннал рувханийсса идаралул зузала **Шабан-хажжи**. Ванал бувсунни шайх **Мухаммад Накъшубандинаяту**. Хасавюртуллал имам **Казим-хажжи Темирбулатовлул** бувсунни Къуръандалул таржумардая. «Хьхьичва-хьхьич Къуръан таржума бувсар Англиянал, цалва каруннихъхьун Египет лавсукун, бусурманнаву фитна даншиврул, цуппагу **Мухаммад Идавсил** гьижра бувну 900 шин ларгун махъ. **Идавсил** асхлаб **Салман аль-Фариси** аьраб кьаивкьссар. Циванни **Идавсил** ганайн цалва мазрайн Къуръан таржума бан амру кьабувсса? **Имам Бухари, Имам Тирмизи, Имам Муслим, Имам Гъазали** – вай цаягу аьраб кьаивкьссар. Циванни вай хьунисса имамтурал Къуръан цалва мазурдийн таржума буллай кьабивкьсса. Миннан кьулну бивкьлунтгий Къуръан таржума байхьту мунил мягна даххана шайшиву. Таржумалу-ву ацъа бутлул ца бутлавагу хлакьсса мягналул кьабиклайнутгий. Масалдаран ласунну жулва Дагъусттаннал альимтал. **Ибрагим Оьбоди** Маккаллал муфтийну зий ивкьссар. Циванни мунал Къуръан яру мазрайн таржума кьабувсса. Чъявусса инсантал биклай таржума бувсса Къуръангу бувкуну «Варив Къуръандалул мягна? Варив Аллағнал калам?» - тисса. Мукун тун цукунчлав кьабучиссар. Вай мукьурттил инсан диндалува уккан айссар, чапур шайссар. Аллағнал калам таржума баншиврул, бувчин баншиврул дуссар цинна ккаккан дурсса шартру, элмурду. Цалчин аьраб маз шаллуну кьулну бикан аьркинссар, морфология, риторика, мантикь (логика), стилистика, Къуръан буккавил цинярдагу кьираатру (журарду), агьлу сунна валь-джамаяьлул аькьидалул элму, усулу фикьгь, гьарца аят ликкан баврил сававру, чунну, Къуръан бувчин буллалисса цинявпагу **Идавсил** хладису, **Мухаммад Идавсил** ва Къуръанналуву кьичи лавгсса циняв идавстурал сирру (оьрму) кьулну бикан аьркинссар. Ми бакьассагу, яла агьамур, асхлабтурал ва тафсирдал имамтурал дурсса бувчин бавурттайн чул бищавури. Вай шартру ишла дан аьркинссар аьраб мазрай Къуръан бувчин буллалиманал. Цамур мазрайн таржума буллалимананнив, вайннуцун цалва маз шаллуну, камилну кьулну бикан аьркинссар. Му бакьассагу, цал аьраб мазрай аят чичин аьркинссар, яла аьраб мазрай ганил тафсир чичайссар, хьирив – цалва мазрайсса тафсирданул мягна. Утти ххал банну хлакьинусса кьини жучавасса Къуръандалул таржумартту чивчуминнал вайннувацца цимий шарт биттур дуллай бурив. Миннан вай элмурдавасса цагагу шаллуну кьулшиву кьакьулли. Ми Аллағнал ххулий, Аллағнахлулу зий бакьсар, дуллалисса даву арцух дуллай бур. Вай ларгсса 1400 шинал мутгалий хлакьсса, вихшала дьшин бучисса Къуръандалул муфасиртал хьинну чансса бур. Ми таржумарттал Аллағнан лайкь дакьасса сифатру ялув дихлай бур. Вагьгьабистьгал ва цаймигу баякьумий бур гай таржумарттайн бувну, Аллағнал кару дуссар, яру буссар, Аллағ Аьршрай шяивкьун уссар тий. Миннан кьулну бикан аьркинни, цивува Къуръанналуву бушиву аят (мягна): «Дакассар цичлар Аллағнаха лархьхьусса». Му иш жунма ххуйну бувчиншиврул ца масъала буцин-

ну. Маккалив ивкьсар Ибну Баз тисса, мурчисса муфтий. Ца чумал га ивкьун ур вяъза буллай, Къуръан тлайланма таржума бан аьркинссар тий. Микку ца Сириянавасса альимчувнал суал буллуну бур: «Къуръандалул аятру тлайланма таржума байхьурча, ина ва аятрайн ци чинна(мягна): Ва дуняяллий мурчину ивкьма, Ахиратлулугу мурчину ва хьиннува аькьуну икьантиссар.» Ибну Баз гьанавиххи хьуну, учинсса махъ бакъа ливчун ур. Ва аятрал хлакьсса мягна хьанахьиссар, ва дуняяллий динналул чулинай кьюк мурчину дусса инсан Ахиратлулугу аькьуну икьантисшиву. Къуръан – пасихшиврул бакри. Кьабучиссар му тлайланма таржума буллан. Жула **Мухаммад Идавсил** увкуссар: «Цалва аькьлулийну Къуръан бувчин байманал цанма Дуржагьраву кьану хладур бувача» - куну».



Хьирив махъ лавхьунни **Магьди-хажжи Аьбидовлул**. Ванал вяъза бия лагма-ялттумий хьинмунийн тлайла баврин ва оьккимуния буруччаврин хас бувсса. «Инсантурахъ насихлат баву – так имамтурал ва альимтурал даву кьахъ-анахьиссар, му цинявпагу муьминтурал буржри Аллағнал хьхьичьсса».

Махлакьгалиливсса хьун мизитрал имам **Мухаммадрасул Сааьдуевлул** бувсунни мазрал бунагьирттая, хаснува хлакьину жулва инсантураву чъяву хьусса бунагь – гьибатрал биян буллалисса заралунния. «**Мухаммад Идавсил** увкуссар: «Зун кьуллив гьибат цирив? Му вила уссурваврая гайннан ххуй кьабизанмур бусавури». **Ибну Оьмардул** увкуссар: «Аллағ кьичи лагаву – дарури, инсантал кьичи лагаву – загьру». Цаманая махъа гьалгьа тлутлаву, ганал дик дукавриха лавхьхьуссар. Аллағу Тааьла Къуръанналуву тий ур (мягна): «Зу мийжаннугу зулва уссурвавра дик канан ччай бурув?» Гьибатрал жулва циняв хьинсса аьмаллу ччуччин байссар. Ца пикри бакъа увкусса мукьул жува Дуржагьравун бичин буюхайссару. Муния урувчуну аькьасса инсан хакьсса муьминчув кьашайссар. Муная так ца бусурманчувнал цал личайссар» - увкунни ванал.

Мажлисрай махъ лавхьсса хурмат бусса шайх **Абдулжалил-афандинал** (кь.с.) увкунни: «Хлакьинусса кьини жунма Аллағнайн хьунмасса шукрулий бикан аьркинни, жулла динналийн бувну ялапар хьанан буюхлай бунутгий, жухьва оьмур-хьинмур бусан буюхьайсса, жува цаннава чаннайн букан буллалисса альимтал бунутгий»

Ва мажлисрал барачат жуйнмагу бияннав. Амин!

Редакторнал колонка

Жунма кьулсса куццуй ноябрь зурул 30-нний Швейцариянаву референдум бувну, мизитирттал минарартту баврин кьадагьа дирхьунни. Мукунма, 2004-ку шинал Франциянал хьукматрал хьуниминнал школардаву хиджаб лаххаврий кьадагьа дирхьунни. Хлакьинусса кьинигу Франциянал президент Николя Саркози ччай ур хьами хиджаб лаххан бувагу кьабитан. Миннахь цлуххирча, хиджаб лаххаврийну хьаннил кьимат ялавай хьанахьий бур. Амма жунма кьулли бусурман хьаннил хиджаб цанма лаххан ччай бунутгий лахлай бушиву, ва миннал кьимат ялавай шайшиву бакрай цичлав дакьа кьатлув буккарча. Уттигьанну Бельгиянаву мукунма школардай хиджаб лаххаврин кьадагьа дирхьунни. Голландиянаву, гомосексуалист Герт Вилдерслул хларачатрайну, кьамул дурунни хиджаб шарда дакьа лаххан кьабитайсса закон. Мукунсса даву дачин дуллалиминнахлу буклай бур чъявусса Европанал хьукматирттал бакьчиталгу. Цума ссахлу уссарив бувсунни голландиянал чичу Хан Ван дер Хостлул: «Ислам гомосексуализмрайн кьарши дуклай дур. Жун му ххуй бизлай бакьсар. Жу хиджабирттахнир кутласса хьухьрах буругланну» - увкунни ванал. Ялагу ца махлатталсса иш: уттигьанну Голландиянаву педофилтурал партия регистировать дурунни. Му партиялул хьхьичунмий мурадру – мюрщисса оьрчру гьуртту хьусса порнографиялул рухсат булаву ва хьукматравун бусурман буххан кьабитаву. Мукунма, 2004-ку шинал Голландиянал телевидениелувух дурсса чурду бичаврин бувну, циняв заманнавусса яла хьунма инсанну увчунни гомосексуалист ва гужсса Исламрал душман Пим Фортайн. Хлакьинусса кьини Американаву ва Европанаву бусурман чъяву хьанай бур. Американавусса католиктурал дурсса хьирив лаявурттайн бувну, миллат 25-ра шинаяр ххишала ялапар хьуншиврул, цлу лаганшиврул, оьрчру баврил коэффицент бикан багьлай бур 2,11 оьрч ца кулпатрайн. Ванияр чивисса бухьурча, миллат бухлагайсса бур. Цамур куццуй учин, кивайва нитти-буттал ца-ца оьрч бухьурча, миннал оьрчал оьрчру миннаяр мукьлийну чансса бикантиссар. 2007-ку шинал му коэффицент Франциянаву бивкьун бур 1,8, Англиянаву – 1,6; Грециянаву – 1,3; Германиянаву – 1,3; Италиянаву – 1,2; Испаниянаву – 1,1. Цалва Европанаву дьянивну ласурча, оьрчру баврил коэффицент хьанай бур ца кулпатарайн 8,1 оьрч. Голландиянаву цуну бувсса оьрчал 50% бусурманнал кулпатирттаву бур. Цанасса чумал Европанаву 52 миллион бусурманнал бур. Германнал хьукматрал дурсса хьирив лаявурин бувну, 20-ра шинава ми кьилийну чъяву хьуну, 104 миллион хьун най бур. Американаву 1970-ку шинал 100 азара бусурманчув ивкьун ур, цана 10 миллионналийн бивсса. Вайннал тьимунийн бувну, 30-ра шинава Американаву 50 миллион бусурманнал хьун тий бур. Католиктурал динналул бакьчитал бур нигьа бувсун, Ислам щалла дуняяллий яла буюхтулсса, хьхьичунусса дин хьун най душиву члалай. Мунин кьаршисса даву дачин дуvara тий, хачпараснал дин машгур дуvara тий оьвтгий бур мий цалва агьалинайн.

Утти жунма бувчин аьркинни, жулва жагьилсса оьчру вацравун гьан бувну, бусурман куннайн-ку данди бацлан бувну, куннал-ку литун баву щин аьркинссарив.

Хажитурал мавлуд



Январь зурул 8-нний, хурмат лавайсса нюжмар кьини, Новостройрайсса Цусса Чуртташиял шярваллил мизитраву мавлуд дурунни. Ва

мавлуд дия Чуртташиял шярава хажлив лавгминнал хларачатрайну дурну. Мажлисрайн бувкун бия шалвагу Новостройрайсса ва Махлачкьалалиясса хьамал. Нюжмар чак бувну махь, мажлис тивтунни Цусса Чуртташиял шярваллил имам **Мухаммадов Хасан-Хажинал**. Ванал бувсунни укунсса мажлису, мавлудру даврил Аллагу Тааьланал ﷻ хьхьичьсса даражалау ва гьарца бусурманчувнан кьулну биклан аьркинсса аькьидалул масьаларттая. Мавлудрайн бавтминнахь вяъза-насихлат бан бувкун бия Дагъусттанал муфтийнал кумагчи **Кьурамухаммад Мухаммадов**, Дагъусттанал Бусурманнал Рувханийсса Идаралул вакил **Сиражуддин Кьурбанов**, Лавашиял районналул имам **Зубаир-Хаж**, Гьази-Гьумучиял имам **Саламов Мухаммад** ва цаймигу аьлмтал. Хьинну асар биянсса мавлудру ккалай ия Гурбуки шяраватусса **Мухаммад-Хабиб**. Мавлуд кьуртал хьинни циняв бавтминнал дуаь дурну.

Абдулагь Алишаевлул цанийсса бахшиш

Чявуминнан бавхьунсар Екатеринбургливсса документальный кинорал фестивалданиа. Дуклу шикку цалчинмур клану бувгьуссия **Абдулагь Алишаевлул** «Обыкновенный вахабизм» тисса кинорал.

Гьашину ва фестивалданий бия **Абдулагь Алишаевлул** цанийсса приз. Муния жухь бувсунни гьашинусса фестивалданийн лавгсса **Абдулагьлул** усил **АхИмадул**:

«Ва фестивалдануву гьурттушинна дайссар дяьвилун хас дурсса документальный фильмрал. Шикку ккакан дай Цалчинмур ва Килчинмур дунияллул дяьвирдаясса, Афганнавусса, Чачаннавусса ва цаймигу дяьвирдаясса, миву гьуртту хьусса инсантураясса фильму. Абдулагьлул цанийсса бахшиш дулунни **Вадим Цаликовлул** **Бесланная**сса докумен-



тальный фильмран. Фестивалданулу хьуниминнал миннат бувунни **Абдулагьлул** ларьсса цаймигу фильму цачланна гьан дан».

www.islamdag.ru

Мексиканал бусурман

Мексиканавусса Чиапас тисса штатраву ялапар хьанахьисса «майя» ва «цотциль» тисса халкьуннаву Ислам кьамул дуллалми чяву хьанай бур. Шиккун Исламрал дин дуркун дахьра 15-ра шин хьуну дур. Мукун бунугу, Молино де лос Аркос тисса кланттай Кьурьанналул аятругу чирчусса чивисса таннул кьатлуя бувсса мизитрава гьарца нюжмар кьини азанналул чу баяй.

«Шикку жу жулла кьокьру марци дувару Аллагнаха ﷻ эбадат дуллай. Жу уттигу чансса буру – 200 инсан, амма халлих бунугу чяву хьанай буру» - буслий ур имам **Сальвадор Лопес**. Лопеслул 1995-ку шинал Ислам кьамул дурну, цагу даххана дурну **Мухаммад-Амин** дирзун дур.

Мексиканаву бусурман хьхьичьвагу бивкьиссар. Амма чявучин ми бивкьиссар бусурманнал хьукуматирттава шиккун бивзминнавасса. 1995-ку шинал шиккун Испаниянавасса бусурман бувкьукун, Мексиканал халкьугу байбивхьуну бур Ислам кьамул дуллай. Ца-цавайннан ххуй бизлай бакъанугу, шиккусса бусурманнал цалва мадраса, халалсса дукра дукан шайсса клану, бусурман-



нал тучан тивтуну бур. Цуну Ислам кьамул дурсса цалва усурвавран ва ссурвавран аьраб маз, Кьурьан лахьхьин буллай бур, шичча хажлив лавгссагума бур.

«Гьарца кьини Аллагнал ﷻ динналийн кьура бавми чяву хьанай бур, иншаАллагь жу шикку кьанкьану цаьк хьунтиссару» - тий ур имам **Мухаммад-Амин**.

www.islamnews.ru

Цусса журнал ва луттирду



Уттигьанну бувккунни «Ислам» тисса бусурманнал журналланул цусса номер. Ва журнал жулва инсантуран бусрав хьанай бушиву чьалачи буллай бур номердания номерданийн ванил тираж лахь шаврил. Цанасса номердануву чявуминнан лякьинтиссар данма гьира бусса суаллансса жавабру, кьул хьунтиссар Исламрал тарихрая, магьшурсса аьлмтурая.

Мукунма, вай гьантрай оьрус мазрайсса шанма цусса лу итабавкьунни. «Исламрал динналул гьанурду», «Абадлийсса оьрмулийнсса хадуршинна» ва «Бивкьуллул мягна ва бивкьу буччаву» тисса.

Цалчинмур луттираву бувсун

Африканал боксертурал Ислам кьамул дурунни

Африканава Пакистаннавун боксерал бьаст-ччаллаву гьуртту хьун бувкьисса спортсментурал цалла Ислам кьамул дуршиву баян бувунни. Миннал бусаврин бувну, дин-Исламравусса марцшиву, инсаншиву ххал хьувкун, гай хьинну махлаттал хьуну бия. Вайннал тренер **Мухаммад Каламбаие** буслий ур: «Жул циняв боксертурал Ислам цалла дакьинин ччай кьамул дурунни, вайннай гуж буллалисса цучьлав акьяя. Нава чивинияца бусурманчувура, мунияту на хьинну ххариссара ттулва кьажимшивруйсса жагьилталгу хлакьса динналийн бучьлаврия».

Вайннал Ислам кьамул дан лахьхьин бувсса муфтий **Найимлул** увкунни: «На ва дунияллий чявусса кланттаву ивссара, амма ттун чувчлав

Яла лахьмий кьатри

Аьрабнал эмиратирттаву дунияллий яла лахьмий кьатри **Бурудж Халиф** (Халифнал кьала) бувну бур. 162 зивулийсса кьатлул лахьшиву 828 метра дур, виваллил площадь 1 миллион квадратиртгал. Вай кьатри буллай 5-ра шин хьуну дур ва 4 миллиард доллардал харж бувну бур. Буллай байбивхьусса чьумал ваксса лахьсса хьуншиву щинчлав кьулну кьабивкьун бур. Халифнал кьалалуву 1000 квартира бур, 49 зиву офисирттахьхьун дулуну дур.

Укунсса кьатри бусурманнал хьукуматрай бушиву кьулагьас дан аьркинсса иш бур. Утти бусурманнаща бюхьантиссар пахрулий биклан цачьара дунияллий яла лахьмий кьатри дунутгий.


бур гьарца бусурманчувнан кьулну биклан аьркинсса динналул аслу-гьанурдая (усулу-д-дин) ва бусурманчувнал оьрмулуву гьарца кьини хьуна бакьайсса масьаларттая.

«Абадлийсса оьрмулийнсса хадуршинна» тисса луттирал жухьва буслий бур инсан бивкьуллийн цукун хадур хьанан аьркинссарив, гьарца инсаннал ва дунияллийсса ахир бивкьу бунутгий.

Шамулчинмур луттираву бур Шариабтрайн бувну инсан уччаврия, инсан ивкьусса чьумал бан ялувмуния, суннатмуния, карагьатмуния хлараммуния бувсун.


Даки дарцуну бур, вай луттирдал ва журналланул жулва бучкултрал кьатравун барачат, марцшиву ларсун бучьансар тий, иншаАллагь.

www.islamdag.ru



вайкьсса инсантурал цакуну Ислам кьамул дуллай кьаккавкьсар. Ва иширал жунма цал уттигу чьалачи буллай бур, жулла дин хлакьсса душиву. Аьлхьамдулилагь».

www.islamnews.ru



www.islamdag.ru

Нитти-буттал рязишиву — Амлагънал سُبْحَانَ اللَّهِ وَبِحَمْدِهِ рязишиву



Мухаммадрасул Магадов
Махачкъалаливсса Сайфуллагъ-
къадинал цџанийсса мизитрал имам

Хлакьинусса кьини, Ахирзма-на гъан хъанахъисса чџумал, жунма кџулли Дагъусттаннай нитти-буттан хџурмат баву ялу-ялун лаглай, чан хъанай бушиву. Мунил цалчинмур аьй цайра нитти-буттай хъанахъиссар, цан чирча, агана миннал цала чџумуй оьрчџан дин-ислам лахъ-хъин дурссания, хлакьину укунсса иш къабикџантиссия. Чивину бусса чџумал оьрчџру нитти-буттая нигъ дунутџий мџотџий хъанан бикџай, хъуни хъувкуннив, нигъгу ларгун, ми тайла бацџан бан бџохълан къабикџай. Аьлимтал тџий бур, нитти-буттаха хџурмат бан аьркиншивруя бусласисса Къуръанналул аятру ва **Идавсил** хъладисру къабивкџссаниягу, чансавагу аькьлу бусса инсаннан цанма бивчџинссия нитти-буттаха хџурмат бан аьркиншиву. Хлакьинусса кьини мукусса аькьлу бусса инсантал чанну бџхъунссар.

Нину-пџу рязи бан аьркиншивруя жухъва бусласисса хъладисру хъинну чџявусса бур. **Ибну Аьббас** тџий ур: «Муъминчџу цайвасса фарзру биттур буллай ухъурча ва мунал нину-пџу муная рязину бџхъурча, цакъ бакъа мунан Аллагънал хъ Алжаннавунсса кџива къапу тџитџайссар. Нину-пџу рязину бакъахъурчарив, цџксса эбадат дулларчагу, Аллагънал хъ мий къапуруду лакъайссар». **Муса Идавс** тџий ивкџун ур Аллагънахъ хъ: «Я Раб-би, тџун васият бува». Аллагъналгу хъ увкуну бур: «На хъама мангара, На мудан дакџний ити». Яла **Муса Идавсил** кџилчингу увкуссар: «Тџун васият бува, Я Аллагъ хъ» - куну. Аллагънал хъ увкусар: «Вила ниттин хџурмат ба, вила нину рязи дува». Шамийлчингу **Муса Идавсил** увкусар: «Я Рабби, тџун васият бува». Аллагънал хъ увкусар: «Вила буттаха хџурмат-къуллугъ бува, бутта рязи ува». Ва хъладисрайну жунма бивчџлай бур, цалчин жулла нину рязи дан, яла хъирив бутта рязи ан аьркиншиву. Мукусма, **Аьбдуллагъ ибн Оьмар** буслай ур: «**Мухаммад Идавсичџан** хъ ца жагъилсса инсан увкџуна, тџун Аллагъу Тааьлал ххуллий джигъад буллай ччай бур тџий. **Идавсил** хъ ганахъ цџувххуна: «Вил нину-пџу сагъну бурив?» Ганал бивсуна цалва нину ва пџу сагъну бушиву. **Идавсил** хъ увкуна: «Миннаву буссар вил джигъад. Миннаха хџурмат баву, ми рязи бавури вил джигъад», - куну».

Къуръандалува Аллагъу Тааьла-

нал хъ буссар шанма аят гъан бивну, гъарцаннува кџи-кџива амру бусса. Ми амрудавасса ца биттур къабулларча, вавургу хъисав къашайссар. Цалчинмур аятраву тџий буссар чакъ буван аьркиншиву ва закат булун аьркиншиву. Цџксса чџявусса чакру булларчагу, хъуслия закат къабулларча, бивсса чакъ къамул къабайссар. Кџилчинмур аятраву буссар Аллагънайн хъ ва **Мухаммад Идавсин** хъ мџотџи хъун аьркиншиву. Агана инсан ухъурча Аллагънайн хъ мџотџийну, амма мува чџумал **Идавсин** хъ мџотџийну аькъахъурча, мунал Аллагънайнсса хъ мџотџишивугу къамул къадайсар. Шамулчинмур аятравугу тџий буссар муъминчџу Аллагънайн хъ ва цалва нитти-буттайн шукрулий икџан аьркиншиву. Инсан Аллагъу Тааьлалнайн хъ шукрулий ухъурчагу, нитти-буттайн шукру къабарча, ми рязи къабарча, мунал Аллагънайн хъ бивсса шукругу къамул къабайссар.

Ца инсаннал **Мухаммад Идавсичџ** хъ цџувххуссар: «Я Расуллугъ, инсаннал байсса аьмаллава яла ххуйми цумири?» - куну. **Идавсил** хъ увкусар: «Цалчин цџлла чџумуй бивсса чак,



кџилчин нину-пџу рязи баву, шамийлчин Аллагънал хъ ххуллий джигъад баву». Ва хъладисрава жунма чџалай бур джигъад баврияргума нину ва бутта рязи баву, миннаха хџурмат баву агъамсса бушиву жулла динналува.

Бусала бур **Идавсил** хъ заманнай ца жагъилсса инсан ивкџишиву **Аьлкџамат** тџисса. Мунал чџявусса чакругу байсса бивкун бур, садакъагу бачџайсса бивкун бур. Ца кьини му хъинну захџматну къашавай хъуну, ивчџавай ивкџун ур. Мунал щарссанил **Мухаммад Идавсичџан** хъ инсантал гъан бивну бур, **Идавсичџ** хъ Аьлкџаматлун цџи бан аьркинссарив цџуххин. **Идавсил** хъ ганачџан гъан бивну бур цалва асхџабтал, миннащал ивкџун ур **Билал-асхџабгу**. **Аьлкџамат** квакукун, асхџабтуран бивчџуну бур га ивчџан най ушиву. Асхџабтал тџун бивкџун бур ганахъ «Ля илягъа илляЛлагъ» уча тџий. **Аьлкџаматрив**, маз бавхъусса куна, цџчџав учин бџохълай ивкџун аькар. Цџксса хъарачат булларчагу, гайннаща учин ан къабџохъуну бур. Яла **Билал-асхџаб Идавсичџан** хъ лавгун, **Аьлкџаматлун** хъанахъимур бивсун бур. **Расуллугънал** хъ цџувххуну бур: «Мунал нину-пџу сагъну бурив?» - куну. Ганал хъуннар хъусса нину диркџун дур сагъну. **Идавсил** хъ увкуну бур **Билалухъ**: «Насу ана-

варну мунал ниттийн шиккун оьвча, ганища бучџан бџохълай бакъахъурча, жува ганичџан гъанну». **Билал-асхџаб лавгун** ганичџан бусвун бур оьрчџ захџматну къашавай ушиву, ва бџохълай бџхъурча **Идавсичџан** хъ бџохъхъу куну бур. Га бивкџун бур **Мухаммад Идавсичџан** хъ **Билал-асхџаблущал** архџал. **Идавсил** хъ ганихъ цџувххуну бур: «Вин вила оьрчџал та-бунугу къаччан бикџан бивссарив?» - куну. Чансса пџкригу бивну ниттил бивсун бур цџчџав къаччан бикџансса ганал къабившиву, такъ ца зад личџаннин: **Аьлкџаматлун** цала щарсса нитти-яр ххирану диркџун дур. Му иширал ганал ниттин чансса къаччан бикџан байсса бивкџун бур. **Идавсил** хъ цџувххуну бур: «Вища вила оьрчџ багъишла ан бџохъанссарив?» - куну. Ганил увкуну бур: «Тџуца му багъишла ан къахъунссар» - куну. **Микку Идавсил** хъ увкуну бур асхџабтурахъ: «Пама датџияра, цџу дирхъуну **Аьлкџамат** чџуччин багълай бур, мукусн бакъа мунал бунагъ марцџ хъун тџий бакъар», - куну. Ганал ниттил увкуну бур: «Бацџияра, тџула оьрчџ цџараву чџуччџалачаву тџуца бџхџан къахъунссар!» -

Щардал шяраву

Давуд АМИРОВ
Цџусса лакрал районналийсса Щардал шяраву
Ас-Салам кказитрал вакил

Мухаммад Идавсил хъ хъладис бур: «Аьлимтал – Идавстурал варисталли» тџисса. Аллагънал хъ цџимилийн мукусса варистал жулва Дагъусттаннайгу чансса бакъар. Мукусса ца алимчџу **Пир-Мухаммадлун** зиярат бур Лакрал районналийсса Щардал шяраву. Хъинну хъунмасса даражалул шайх Къахџиблиясса **Хъасан-Афандинал** (къ.с.) луттираву чивчуну бур, **Пир-Мухаммад** шайх **Мамма-Дибир ар-Рочинал** мурид ивкџишиву, цџвагу Щардал шяравусса хъунасса аьлимчџу ивкџишиву. Щардал шяраву ялапар хъанахъисса агъулданул бусаврин бивну, му хъунмасса даражалул валий ивкџун ур. Хлакьинусса кьини **Пир-Мухаммадлун** биография, мунал тухум-тайпалия кџулсса, бусан шайсса цџчџав аькар. Ва зияратрал бусравшиву жунма чџалай бур, коммунизмалул чџумал Щардал шяравусса мизитгума лекъан бивсса, ва зияратрайн щџлчџав ка шуну дакъар. Аллагънал хъ Цалва цџимилийн, Цана ххирасса валинал зиярат бурувчџуну бур. Щардал шяраву **Пир-Мухаммад** аькџассагу, цайми чџявусса аьлимтал бивкџун бур. Хлакьинусса кьинигу ва шяраву цалва Къуръан дакџних кџулсса 18-шин хъусса оьрчџ ур.



Аллагънал хъ цџими бишиннав
Цалва валийтурайгу, бунагъиртгал бивцџусса жуйвагу. Амин!

Бусурманнал календарь

Бусурманнал календарь байбивхъуссар **Мухаммад Идавс** хъ Маккалия Ясриблив ивзсса чџумуя шинмай (гъижра). Муния махъ Ясрибран цџагу Мадина дирзссар (**Идавсил** хъ Шагъру). Му гъижра бивссар 622-ку шинал.

Бусурманнал календарьданул гъануну лавсџсар 12 барз бусса зурул шин. Му календарьданийсса ца зуруву бикџайссар 29 гъантта, 12 сџят ва 44 минут. Бусурманнал шинаву бикџайссар 354 ягу 355 гъантта.

Бусурманнал календарьданийн бивну цџусса кьини дайдишайссар хъхъурай, маркџачан чаклил чџун дуркџукун.

Бусурманнал барзру: мухџаррам, сафар, рабиоьл-аввал, рабиоьл-ссани, джумадул-ула, джумадул-ахир, раджаб, шаьбан, рамазан, шаввал, зул-къаьда, зул-хџижжа.

